

臺灣外誌

臺灣外誌目錄

起天啟元年辛酉終

康熙二十二年癸亥共六十二年

第一卷

江夏侯驚夢保山

顏思齊敗謀日本

第二卷

蔡善繼出海招安

盧毓英陸喬遭擒

第三卷

往舊鎮芝龍就撫

泊赤湖劉香殞命

第四卷

登煤山明祚攸終

定燕都清鼎伊始

第五卷

唐監國福州稱帝

黃道周南京盡節

第六卷

肇慶府桂王即位

曾厝鞍施即逃生

第七卷

困漳州金礪解圍

逃

第八卷

國軒合謀歸鄭藩

甘輝用火破仙遊

第九卷

獻海澄黃梧歸清

護國嶺格商被斬

第十卷

成功敗績于江南

甘輝死箭于崇正

第十一卷

何斌獻策取臺灣

黃梧密疏遷五省

第十二卷

入緬甸桂王受辱

閱祖訓成功歸天

第十三卷

周金斌金原大戰

陳永華東寧建國

第十四卷

施提督兩題進剿

王巡撫遺疏開界

第十五卷

明尚書入閩議撫

范總督抵任上疏

第十六卷

下漳州啟泰死難

通海上三藩俱舉

第十七卷

黃芳度畏迫詐降

耿精忠見敗修好

第十八卷

援南邦之信遇敵

破清漳吳淑猷城

第十九卷

平福省范公死節

戰龍江許耀逃竄

第二十卷

敗七府國太執法

入潮州進忠歸正

第二十一卷

劉國軒大開江東

段應舉被圍海澄

第二十二卷

國軒率衆圍泉州

啟聖具題復遷界

第二十三卷

盛天府克城監國

坂尾寨吳淑喪身

第二十四卷

劉國軒車騎救主

陳永華墮計辭權

第二十五卷

錫為塔弒克城

啟聖保題請施琅

第二十六卷

施提督連疏議剿

姚邵院遣使再撫

第二十七卷

克塽信謬歛百姓

藍理負傷攻澎湖

第二十八卷

江勝邱輝雙盡節

國軒良驥遁臺灣

第二十九卷

武平伯力勸歸清

寧靜王一門殉烈

第三十卷

施將軍議留臺灣

大清國四海太平

臺灣外志卷之十五

明尚書入閩議撫

范總督抵任上疏

康熙八年己酉

附稱永曆二十三年

二月奉

旨展界民賴復業各省督撫雖依例題請開復然臺堡之禁未
若粵地之便王來任周有德粵之邊民感誦建祠春秋祭祀七
月

上復命刑部尚書明珠兵部侍郎蔡毓榮入司與清舊以繼茂
總督祖澤沛議撫齊集泉州府加興化知府等官

晉僉事季佺賁

詔書往臺灣招撫鄭經經雖禮待二使而不肯接

詔惟開明珠書曰

嘗聞安民之謂仁識時之謂智古來豪傑知

天命之有歸信殃民之無益決策不疑委身天闕慶衍黎庶

澤流子孫名垂青史常為美談閣下通時達變為世豪傑比

肩前哲若易易耳而姓名不通於

上國封爵不出於

天朝浮沉海外聊且一時不令有識之士為惋惜耶今幸

聖天子一旦惻然念海濱之民瘡痍未復其有去鄉離井逋流
海嶼近有十餘年遠有二十餘載骨肉多殘生死茫然以為
均在覆載之中孰非光復之責稅車閩甸會同靖藩督撫提
宣諭

宸衷禮當先之以信崇遣太常寺卿慕天顏都督僉事季任等
聞于左右閣下桑梓之地無論

聖天子病瘵至意所當仰體不遑即聞之書重臣叟大

下

之父老子弟而忍令其長相離散耶況我

國家與人以誠待人以信德意咸孚遐邇畢達是以車書一統
之盛振古無儔窮荒絕域尚不憚重譯來朝閣下人中之傑
反自外於

皇仁者此豈有損

朝廷哉但為閣下惜之耳誠能翻然歸命使海隅變為樂土流
離復其故鄉閣下亦自海外而歸中原不亦千古之大快而
事機不可再得者乎我

皇上推心置腹具有

璽書閣下宣讀之餘自當仰見

聖主至仁至愛之心佇候德音臨顏神注云

經大會文武與天顏二使會議曰本藩豈不能戰因念生靈荼
苦故做張仲堅逃避海外一自癸卯東來業已息兵又何必深
求耶苟能照朝鮮事例不削髮稱臣納貢尊事大之意則可天

顏曰

朝廷頻頻遣使招撫者亦是憐貴藩忠誠不忘舊君若爾然削
髮歸順自當藩封永為

聖朝柱石不然豈寡樓船甲兵哉經曰先王在日前後居之
撫者亦只差削髮二字本藩焉肯墮先王之志任旬日名執議
未定天顏欲其使報命經令禮官葉亨刑官柯平二人賁復明
珠書曰

蓋聞麟鳳之姿非藩樊所能囿英雄之規非遊說所能惑但
屬生民之主輔宜以覆載為心使跛行喙息咸潤其澤匹夫
匹婦有不安其生者君子恥之頃自遷界以來五省流離萬
里坵墟是以不穀不憚遠隱建國東寧庶幾寢兵息民相安

無事而

貴朝尚未忘情以致海濱之民流亡夫所心竊憾之閣下卿
命遠來欲為生靈造福流亡復業海宇奠安為德建善又使所
傳免削髮不登岸等語言頗有緒而台諭未曾詳悉唯諄諄
以迎

勅為辭事必前定而後可以寡悔言必前定而後可以踐迹大
丈夫相信以心披肝見胆磊磊落落何必游移其說待遣督
理行營兼管刑官事柯平監軍兵部郎中葉亨等面商妥當

不穀躬承先訓恪守丕基必不敢棄先人之業以圖一時之利惟是生民塗炭惻焉在懷倘

貴朝果以愛人爲心不穀不難降心相從尊事大之禮至通好之後巡邏兵哨自當吊回若夫沿海地方俱屬執事撫綏非不穀所與焉不盡之言惟閣下教之俾實稽以聞 今天顏與季佺渡海入泉州顏與平議見明蔡二位禮顏以二位大人欽差入閩雖公督撫提見之皆由角門而入偏坐汝二位報使亦然平曰國有大小使寔一體執行甬通客禮如是數日未會